

# BESTELAKO XEDAPENAK

## INDUSTRIA, TRANTSIZIO ENERGETIKO ETA JASANGARRITASUNAREN SAILA

### 5526

*AGINDUA, 2025eko abenduaren 16koa, Industria, Trantsizio Energetiko eta Jasangarritasuneko sailburuarena, ikerketa-azpiegiturak (Azpitek 2026) erosi, instalatu, berritu eta eguneratzeko laguntza-programaren oinarriak onartu eta deialdia egiten duena.*

Europa bere etorkizun industrialia berrantolatzen ari da eta Euskadik aukera honen mailan egon behar du. Une erabakigarri bati egin behar diogu aurre, gure ongizatea, segurtasuna eta oparotasuna eraikitzeke erabili ditugun oinarriak berrikustera behartzen gaituen garai bati. Europa erabakitasunez ari da oinarritzko printzipio bat onartzen: «Europa Gehiago nahi badugu, Industria Gehiago behar dugu». Industria, teknologia, ikerketa eta berrikuntza, energia, elikadura, defentsa edo kanpo-ekintza indartzea ez da aukera bat soilik; gizarte-eredu europarra babesteko premia estrategiko bat da.

Euskadi Europako industriaren ardatz nagusietako bat izan da historikoki, eta hala izaten jarraitzen du gaur egun ere, EAEko erakundeek azken hamarkadetan ondare horri eusteko egin duten apustu irmoari esker.

Garapen teknologikoari eta berrikuntzari dagokienez, Euskadi berrikuntza handiko eskualdea da RIS 2023ren arabera, eta Europako 17. eskualdea da Horizon Europak atzemandako funtsetan. EAEko I+Gko inbertsioa BPG-aren % 2,16 da 2023an, eta zifra % 2,37ra igoko da 2025ean, duela gutxiko kalkuluen arabera.

Europako Batzordeak duela gutxi aurkeztu du EBrako Lehiakortasunaren Iparrorratza. Lehiakortasunerako ikuspegi integralaren zati gisa definitzen du industria-politika, eta Europa lehiakorrago, berdeago eta subiranoago baten bizkarrezur gisa duen zeregina birdefinitzen du. Iparrorratzak hiru helburu garrantzitsu ezartzen ditu:

– Berrikuntza-arrakala ixtea («Innova»): Europak eten egin behar du I+Gko inbertsio pribatuaren geldialdia, eta ezagutzaren eta aplikazioaren arteko zatiketa gainditu.

– Deskarbonizaziorako eta lehiakortasunerako ibilbide-orri bateratu bat ezartzea («Clean»): Clean Industrial Deal ekimenaren bidez, EBk industria- eta klima-politikak erabat integratu nahi ditu.

– Gehiegizko mendekotasunak murriztea eta segurtasun ekonomikoa handitzea («Safe»): Europak hornitzaileen dibertsifikazioaren, birziklatzearen eta berrikuntzaren aldeko apustua egiten du, indargarri estrategiko gisa.

Gainera, Ikerketa eta Teknologia Azpiegiturei buruzko Europako Estrategiak ezartzen du azpiegitura teknologikoak (AT) tresna garrantzitsuak direla industriak teknologien garapen-, proba-, prototipo-, baliozkotze- eta eskalatze-faseetatik eratorritako kostuak eta arriskuak murriztu ditzan. Gure industrian dituen funtzioak eta garrantzia direla-eta, ATak funtsezkoak dira Europaren subiranotasun teknologikorako, autonomia estrategikorako eta lehiakortasunerako.

Saiakuntza- eta esperimentazio-azpiegituren (azpiegitura teknologikoak ere esaten zaie) balio erantsi nagusia da enpresei aukera ematen dietela merkaturatu aurretik I+G+Bn egiten dituzten inbertsioen arriskua minimizatzeke, eta ideiak eta kontzeptuak probatu eta baliozkotzeko, eskala

komertzialean azkarrago ezartzeko. Ikerketa eta teknologiko erakundeek eta unibertsitate teknikoek hartu eta kudeatzen dituzte. Enpresek ere azpiegitura teknologikoak eskain ditzakete.

Horizonte Europa Esparru Programa abiapuntutzat hartuta, Zientzia, Teknologia eta Berrikuntza Planak (Euskadi 2030, ZTBP 2030) hiru zutabe estrategiko eta elementu nagusi bat planteatzen ditu: I. oinarria. Bikaintasun zientifikoa, II. oinarria. Lidergo teknologiko industrial, III. oinarria. Berrikuntza irekia eta ereduak. Horrenbestez, 2030erako ZTBPren hiru zutabeetako bat «Bikaintasun zientifikoa» da, eta bikaintasuneko ikerketa sustatzea du helburutzat, ezagutza berriak sortzeko eta zabaltzeko, gaitasunak eta konpetentzia tekniko eta zientifikoak areagotzeko eta erronka sozioekonomiko handiei irtenbideak emateko oinarri gisa.

Aurrerantzean ere jarraitu nahi baldin badugu zientzia eta teknologiatik erantzuten Euskadik dituen erronka sozioekonomikoei, ikerketarako azpiegitura bikainak behar ditugu. Funtsezkoa da industriak gaitasuna izatea teknologiak txertatzeko produktu, prozesu eta zerbitzu berrietan, hain zuzen ere produktibitatea eta lehiakortasuna sustatzeko. Testuinguru horretan, enpresek I+G+b-ko eragileekiko lankidetzat indartu behar dute, eta bermatu behar da abangoardiako ikerketa-azpiegiturak erraz lortuko direla.

Ikerketa-azpiegiturak berrikuntzan oinarritutako I+G+b ekosistemen eta balio-kateen bizkarrezurra dira. Eraikitze, kudeatzeko, funtzionatzeko eta mantentzeko baliabide eta gaitasun tekniko handiak behar dira, eta, beraz, enpresa gehienek ezin dituzte modu independentean beren gain hartu. Funtsezkoak dira edozein tamainatako enpresei transferitu ahal zaien ezagutza sortzeko eta Euskadin eragin zientifiko, ekonomiko eta soziala duen berrikuntza bultzatzeko.

Ingurune fisiko edo simulatu horiek funtsezkoak dira ikerketak garatzeko eta etorkizunean edozein tamainatako enpresetara transferitu daitekeen ezagutza sortzeko. Hala ere, ikerketa-azpiegituren baliabide eta konpetentzia asko behar dituzte euren eraikuntzarako, kudeaketarako, funtzionamendurako eta mantentzea egiteko. Oso garestiak izan ohi dira, eta goi-mailako teknikariak behar izaten dituzte bertan aritzeko. Beraz, enpresa gehienek ezin dute beren ikerketako azpiegitura propioa izan.

Ikerketa-azpiegiturak eskuratu edo eguneratzeko programaren helburu nagusia da EAEko ikerketa-azpiegiturak indartzea, eta ikerketa-jarduera sustatzea eta etorkizunean haren emaitzak baliozkotzea eta demostratzea. Horretarako ematen du kalitatezko ikerketa egikaritzeko, emaitzak hobetzeko, eta horien eragin zientifikoa, ekonomikoa eta soziala hobetzeko, eta dauden ikerketa-azpiegituren funtzionamendurako beharrezkoa den ekipamendu zientifiko-teknikoa eskuratzeko, instalatzeko eta eguneratzeko laguntza.

Agindu honen bidez, Eusko Jaurlaritzak programa bat abiarazi du, ikerketa-azpiegituren bidez I+G+B bultzatzeko funtsezko tresna gisa, sektore estrategikoekin, funtsezko eta zeharkako teknologiekin eta Euskadi 2030 Industria Planeko proiektu eraldatzaileekin bat egiten lagunduko duen ezagutza sortzea erraztuz.

Gobernu Kontseiluak aurtengo irailaren 30ean onartutako Industria – Euskadi 2030 Planak adierazten du euskal industriak zer erronkari aurre egin behar dien erabakitasunez. Jarraian aipatzen direnak dira arau honek gehien azpimarratu nahi dituenak:

– Trakzio-enpresen errotzea eta dimentsioa indartzea sektore estrategikoetan. Industria-proiektu sendoak eta etorkizunekoak bultzatzea gure sektore estrategikoen balio-kateetan, jarduera eta erabakigunea Euskadin mantentzen dituzten.

– Enpresen batez besteko tamaina handitzea, erabaki-zentroak lurraldean mantenduko dituzten trakzio-enpresa gehiagorekin eta gure ETEen batez besteko tamaina handiagorekin. Erronka hori gainditzeko, enpresen hazkundera sustatu behar da, integrazio- eta eskalatzeko-prozesuak erraztu

behar dira, eta balio-kate oso eta konplexuen trakzio-gune gisa jardungo duten erabaki-zentroak erakarri edo finkatu behar dira.

– Gure industria-sarearen dinamismoa areagotzea. Industria-ekimen berriak bultzatzea funtsezkoa da ekoizpen-sarea berritzeko eta dibertsifikatzeko. Euskadik industria- eta teknologia-oinarriko ekintzailatza babesteko mekanismoak indartu behar ditu, bai eta ETEetan berrikuntzaren kultura sustatu ere.

– Talentua garatzea, arreta berezia jarriz industria erakargarriagoa eta emakumeen, belaunaldi berrien eta gaur egun ordezkari txikia duten kolektiboen parte-hartze handiagokoa eraikitzeko.

– I+G+Bko inbertsio pribatua eta publiko-pribatua handitzea, lidergo teknologikoa sendotzeko. Euskadik oinarri zientifiko eta teknologiko sendoa du, baina Europako iparraldeko industria-eskualde liderrekin alderatuz gero, I+G+Bko inbertsioaren intentsitatea hobetzeko tarte dago. Ezinbestekoa da dimentsio hori indartzea, sektore estrategikoetan lidergoari eusteko, trantsizio teknologiko eta energetikoari aurre egiteko eta kalitatezko enplegua sortzeko.

– Azpiegitura energetiko eta digitalak eskuratzea, hazteko, berritzeko eta jasangarriagoak izateko. Azpiegitura horien eskuragarritasuna, kalitatea eta lehia-kostua funtsezko faktoreak dira ekoizpen-sarearen eraldaketa teknologikoa eta berdea bultzatzeko.

– Finantza-ekosistema indartzea, enpresei inbertsio eraldatzaileko eta eskala teknologikoko prozesuetan lagunduko dieten tresna eta operadore espezializatuen eskaintza zabalduz. Enpresten beharretara egokitutako laguntza espezifikoa ematea.

Europako esparruan ezarritako aukerei eta erronkei behar bezala erantzuteko, Industria - Euskadi 2030 Plana hiru ardatz estrategikoren (Industria gehiago, Industria hobea eta Emisio gutxiago) eta zeharkako ardatzaren (Desburokratizazioa) gainean eraikitzen da. Ardatz horiek industria-eraldaketaren ikuspegi integrala islatzen dute egungo Europako testuinguruan. Ardatz estrategiko bakoitza bost lehentasun estrategikotan zehazten da. Lehentasun horiek proiektu zehatzen bidez hedatuko diren ekintza-ildoak biltzen dituzte. Hamabost lehentasunak Europako industrian abian diren trantsizio handiei erantzuten diete.

Industriarako laguntza- eta zerbitzu-programak oraindik ere funtsezko zutabeak dira; hala ere, ekimen disruptiboagoekin osatu behar dira. Hala, Industria – Euskadi 2030 Planak gobernantza-eredu praktiko eta kolaboratibo bat ezartzea sustatzen du, proiektu eraldatzaileak gauzatzean oinarritua. Honen helburua Euskadi 2030 Industria Planeko lehentasun estrategiko bat edo batzuk lortzea da, zuzenean eta neurtzeko moduan.

Azpitek 2026 programa laguntza-programa bat da, I+G+B garatzeko beharrezkoa den ikerketa-ekipamendua erosten, instalatzen, berritzen eta eguneratzen laguntzeko eta etorkizunean emaitzak baliozkotu eta erakusteko, erakunde zientifiko-teknologikoen, hau da, Zientzia, Teknologia eta Berrikuntzaren Euskal Sarean egiaztatuta dauden zentro teknologiko multifokalizatuek egin beharrezkoa.

Azkenik, adierazi behar da laguntza-programa hau Industria, Trantsizio Energetiko eta Jasangarritasun sailburuaren 2025eko uztailaren 15eko Aginduaren bidez onartutako 2025-2028 Sailaren Dirulaguntzen Plan Estrategikoaren barruan dagoela.

Horrenbestez, honako hau

#### EBAZTEN DUT:

Artikulu bakarra.– Eranskinean jasotzen diren baldintzetan, Azpitek programaren oinarri arauzailak onartzea, eta, 2026ko ekitaldirako, I+G+B garatzeko behar den ikerketa-ekipamendua

erosteko, instalatzeko, berritzeko edo eguneratzeko laguntzen deialdia egitea, bai eta etorkizuneko baliozkotzea eta emaitzak erakustea ere.

#### AZKEN XEDAPENETAKO LEHENENGOA

Oinarri horietan prozeduraren arloan aurreikusi gabeko guztiari dagokionez, Dirulaguntzen Araubidea Erregulatzeko abenduaren 21eko 20/2023 Legea eta Administrazio Prozedura Erkidea-ren urriaren 1eko 39/2015 Legea aplikatuko dira.

#### AZKEN XEDAPENETAKO BIGARRENA

Agindu honek Euskal Herriko Agintaritzaren Aldizkarian argitaratu eta hurrengo egunetik aurrera izango ditu ondorioak.

#### AZKEN XEDAPENETAKO HIRUGARRENA

Agindu honek amaiera ematen dio administrazio-bideari, eta, beraz, berraztertze errekurtsoa aurkez dakiok Industria, Trantsizio Energetiko eta Jasangarritasuneko sailburuari, hilabeteko epean; bestela, zuzenean aurkez daiteke administrazioarekiko auzi-errekurtsoa Euskal Autonomia Erkidegoko Justizia Auzitegi Nagusiko Administrazioarekiko Auzien Salan, bi hilabeteko epean. Bi kasuetan, agindua Euskal Herriko Agintaritzaren Aldizkarian argitaratu eta hurrengo egunetik aurrera hasiko dira epeak.

Vitoria-Gasteiz, 2025eko abenduaren 16a.

Industria, Trantsizio Energetiko eta Jasangarritasuneko sailburua,  
MIKEL JAUREGI LETEMENDIA.

## ERANSKINA

IKERKETAKO AZPIEGITUREN AZPITEK PROGRAMAREN OINARRI ARAUTZAILEAK,  
AZPITEK 2026

## 1. oinarria.– Xedea.

Agindu honen xedea da ikerketa-azpiegiturak eta - ekipamendua erosi, instalatu, berritu eta eguneratzen laguntzeko 2026ko ekitaldian eman beharreko laguntza-programa arautzea, sektore estrategikoekin, teknologia giltzarriekin eta zeharkakoekin eta Euskadi 2030 Industria Planeko proiektu eraldatzaileekin bat egiten lagunduko duen ezagutza sortzea erraztuz.

Laguntza horiek I+G+B garatzera bideratuta daude, bai eta etorkizunean emaitzak balioztatzera eta erakustera ere. Erakunde zientifiko-teknologikoei egin beharko dute hori. Horretarako, onuradun izango dira Zientzia, Teknologia eta Berrikuntzaren Euskal Sarean akreditatutako foku anitzeko teknologia-zentroak. Azken helburua lortutako emaitzen kalitatea indartzea eta haien eragin zientifiko-teknologikoa, ekonomikoa eta soziala maximizatzea da.

Laguntzei buruzko araudi honek, ikerketa-azpiegituren jarduera ekonomikoari dagokionez, 2014ko ekainaren 17ko 651/2014 (EB) Erregelamenduaren 26. artikuluari heltzen dio. Erregelamendu horren bidez, zenbait laguntza-kategoria barne-merkatuarekin bateragarritzat jotzen dira, Tratatuaren 107. eta 108. artikuluko aplikatuz (aurrerantzean, kategorien arabera salbuespenen erregelamendu orokorra), ikerketa-azpiegituretarako inbertsioetarako laguntzei dagokienez.

## 2. oinarria.– Baliabide ekonomikoak.

Programa honen xederako erabiliko diren baliabide ekonomikoak –zehazki, 9.000.000 euro– 2026rako Euskal Autonomia Erkidegoko Aurrekontu Orokorretan horretarako ezarritako aurrekontu-kredituetatik aterako dira. Aurrekontuko ekitaldiaren barruan eman beharreko laguntzen zenbateko osoak ezin izango du gainditu aipatutako zenbatekoa, ez eta, indarrean dagoen legeriaren arabera aurrekontuan aldaketak onartzen badira, zenbateko hori eguneratzearen ondorioz sortzen den zenbatekoa ere.

Deialdiaren zenbateko osoa gehienez ere % 50era arte handitzeko aukera aurreikusten da. Gehikuntza hori Teknologiako, Berrikuntzako eta Eraldaketa Digitaleko sailburuordeak onartuko du, eta Euskal Herriko Agintaritzaren Aldizkarian argitaratuko da. Gehikuntza horrek ez du ekarriko eskabi-deak aurkezteko beste epe bat irekitzea, ez eta ebazteko epea berriro zenbatzen hastea ere.

## 3. oinarria.– Erakunde onuradunak.

1.– Zientzia, Teknologia eta Berrikuntzako Euskal Sarea osatzen duten eragile zientifiko-teknologikoak izan daitezke agindu honetako laguntzen onuradun, baldin eta horretarako foku anitzeko zentro teknologikoen kategorietan akreditatuta badaude, bat etorritik Zientzia, Teknologia eta Berrikuntzako Euskal Sarearen osaera arautu eta eguneratzen duen ekainaren 23ko 109/2015 Dekretuan, haren xedapen iragankorretan edo hura ordezkatzeko duen araudian ezarritakoarekin.

2.– Dena den, aurreko paragrafoan adierazitako entitate onuradunek berek burutu beharko dituzte araudi honetan ezarritako jarduera diruz lagungarriak, eta EAEren lurraldean kokatu beharko dituzte laguntza jasotzen duten proiektuak.

3.– Honako hauek ezin daitezke izan agindu honetako dirulaguntzen onuradun:

a) Krisialdian dauden enpresak, betiere Batzordearen komunikazio honekin bat etorritik: «Krisialdian dauden enpresak salbatzeko eta berregituratzeko estatu-laguntzei buruzko jarraibideak» (2014/C 249/01).

b) Europako Batzordeak aurretiaz erabaki badu laguntza bat legez kanpoko eta barne-merkatuarekin bateraezina dela, erabaki horren ostean berreskuratze-agindu bat oraindik betetzeko duten enpresa edo entitateak.

c) Trans pertsonen berdintasun erreal eta eraginkorrerako eta LGTBI pertsonen eskubideak bermatzeari buruzko otsailaren 28ko 4/2023 Legearen 82. artikuluan xedatutako egoeran daudenak.

4.– Ezin izango dira onuradun izan Dirulaguntzen Araubidea Erregulatzeko abenduaren 21eko 20/2023 Legearen 13. artikuluan adierazitako egoeretako batean dauden entitate eskatzaileak:

a) Dirulaguntza edo laguntza publikoak jasotzeko aukerarik gabe utzita epai irmo baten bidez zigortutakoak edo prebarikazioagatik, funtzionario-eroskeriagatik, ondasun publikoak bidegabe eralgitzeagatik, influentzia-trafikoagatik, iruzur egiteagatik eta legearen aurkako ordainarazpenengatik edo hirigintza-delituengatik epai irmo baten bidez zigortutakoak.

b) Hartzekodunen konkurtso boluntarioa deklaratzeko eskaria egin dutenak, edozein prozeduratan kaudimengabetzat jota daudenak, hartzekodunen konkurtsoan deklaratura daudenak konkurtso horretan hitzarmen bat indarrean jarri bada salbu, epailearen esku-hartzearen mende daudenak edo uztailaren 9ko 22/2003 Konkurtso Legearen arabera desgaituta daudenak, hartzekodunen konkurtsoa sailkatzeko epaian finkatutako desgaitze-aldia oraindik amaitu gabe dagoelarik.

c) Kausaren batean errudun deklaraturia izateagatik administrazioarekin egindako kontraturen bat irmo suntsiaraztea eragin ez izana.

d) Pertsona fisikoa, merkataritza-sozietateen administratzaileak edo beste pertsona juridiko batzuen legezko ordezkariak dutenak ez daudela honako lege hauek jasotako bateraezintasun-araubidearen kasuetako batean: Administrazio Publikoen Zerbitzuko Langileen Bateraezintasunei buruzko abenduaren 26ko 53/1984 Legea eta Kargu Publikodunen Jokabide Kodea eta Interes Gatazkak Arautzen dituen ekainaren 26ko Eusko Legebiltzarraren 1/2014 Legea. Edo ez direla Hauteskunde Araubide Orokorren ekainaren 19ko 5/1985 Lege Organikoan araututako hautapenezko karguak, lege horretan edo gai horiek arautzen dituen autonomia-erkidegoko araudian ezarritako baldintzetan.

e) Zerga-betebeharrak eta Gizarte Segurantzarekikoak egunean ez dituztenak, Ekonomia eta Ogasuneko sailburuaren zerga-betebeharrak eta Gizarte Segurantzarekikoak betetzen direla egiaztatzeari buruzko 2023ko otsailaren 13ko Aginduan adierazitakoarekin bat etorrituz, bai eta Euskadiko Aurrekontu Orokorren kargura ematen diren laguntzen eta dirulaguntzen esparruko dirulaguntzak itzultzeari buruzko betebeharrekin bat etorrituz ere.

f) Egoitza fiskala paradisu fiskaltzat hartutako herrialde edo lurralde batean dutenak.

g) Egunean ez dutenak dirulaguntzak itzultzeko betebeharren ordainketa, Ekonomia eta Ogasuneko sailburuaren 2023ko otsailaren 13ko Aginduaren 4. artikuluan ezarritakoaren arabera (Agindua, 2023ko otsailaren 13koa, Ekonomia eta Ogasuneko sailburuarena, Euskal Autonomia Erkidegoko aurrekontu orokorren kontura ematen diren laguntzen eta dirulaguntzen esparruan bai zerga-betebeharrak eta Gizarte Segurantzarekikoak bai dirulaguntzak itzultzeari buruzkoak betetzen direla egiaztatzeari buruzkoa).

h) Dirulaguntzak eskuratzeko aukera epai irmo bidez galdu dutenak, hala xedatzen duen edozein legeri jarraituz. Zehazki, zehapen administratibo edo penala jaso dutenak sexuan oinarritutako diskriminazioagatik edo emakumeen eta gizonen arteko berdintasun-arloko araudia ez betetzeagatik, dagokion zehapenean ezarritako aldian.

i) Ez dutenak estatu-araudiaren araberako berdintasun-planik indarrean, eta ez dutenak neurririk ezarri sexu-jazarpena edo sexuan oinarritutako jazarpena prebenitzeko eta borrokatzeko, emakumeen eta gizonen berdintasunari buruzko estatu-legeriak xedatutako baldintzetan (50 langiletik gorako enpresak).

j) Elkarte ordezkatuak Elkartzeko Eskubidea arautzen duen martxoaren 22ko 1/2002 Lege Organikoaren 4. artikuluko 5. eta 6. apartatuetan adierazitako debeku-kausaren bat izatea.

k) Entitate ordezkatuaren inskripzioa egiteko administrazio-prozedura etenda egotea ez-zilegitasun penalaren zantzu arrazionalak aurkitzeagatik, bat etorri Eskubidea Arautzeko martxoaren 22ko 1/2002 Lege Organikoaren 30.4 artikuluan xedatutakoarekin, betiere dagokion erregistroan inskripzioa egin daitekeela dioen ebazpen judizial irmorik ematen ez den bitartean.

l) Administrazio-bidean emandako ebazpen irmo baten bidez zehapena jaso dutenak Hondakinak eta lurzoru kutsatuak arautu eta ekonomia zirkularra bultzatzeko apirilaren 8ko 7/2022 Legean edo Euskadiko Ingurumen Administrazioaren abenduaren 9ko 10/2021 Legean ezarritako arau-hauste astun edo oso astun batengatik, harik eta behar diren zuzenketa-neurriak hartu eta zehapena ordaindu arte.

m) Desgaitasuna duten pertsonentzat lanpostuak erreserbatzeko lege ezarritako kuota bete ez dutenak, betetzeko neurri alternatiboak abian jarri direla egiaztatu gabe.

n) Fundazioen kasuan, beren estatutuak Euskal Autonomia Erkidegoko Fundazioei buruzko ekainaren 2ko 9/2016 Legean xedatutakora egokitu ez izana, eta egokitzapen hori Euskal Autonomia Erkidegoko Fundazioen Erregistroan inskribatu izana (Euskal Autonomia Erkidegoko Fundazioei buruzko ekainaren 2ko 9/2016 Legearen 1. xedapen iragankorra).

ñ) Enpresa-deslokalizazioaren deklarazioa jaso dutenak, Dirulaguntzen Araubidea Erregulatzeko abenduaren 21eko 20/2023 Legeak 51. artikuluan ezarritakoaren arabera.

o) Eskatutako laguntza jarduera berberetarako onartuta edo ordainduta dauden beste batzuekin bateragarria izatea baimenduta egonik, gainfinantzaketarik ez izatea. Nolanahi ere, etorkizunean helburu bererako jasotzen dituenak jakinarazi beharko ditu, laguntza likidatu arteko aldi.

4. oinarria.– Diruz lagun daitezkeen jarduerak.

1.– Diruz lagundu ahal izango dira ikerketa-azpiegitura eta - ekipamendua eskuratzeko, instalatzeko eta eguneratzeko jarduketak, barnean direla eraikinak eraikitzeko, birmoldatzeko edo hobetzeko obra zibila eta ikerketa-jardueretan erabilitako altzariak, baita etorkizunean haien emaitzak baliozkotzea eta demostratzea ere.

Deialdi honen ondorioetarako, ikerketa-azpiegitura eta ekipamendua hau dela ulertzen da: I+G+b jarduerak garatzeko behar diren baliabide fisikoak (ekipoak) eta instalazioak (behar diren baliabide fisikoak dituen barrutia), baita etorkizunean haien emaitzak baliozkotzea eta demostratzea ere. Ekipamendu hori ekipo bakar bat izan daiteke, edo instalazio bat edo ekipo-multzo bat –espazio bakar bat edo helburu jakin bat hornitzeko–; era berean, ekipamendua zertarako erosten den, helburu hori bete ahal izateko beharrezkoak diren aldaketak, gehigarriak, osagarriak edo aparatu laguntzaileak barne hartu ahal izango ditu.

2.– Deialdi honetara aurkeztu ahal izango dira 2026 urtetik 2027ko urriaren 31ra bitartean garatutako proiektuak, edo onartutako egikaritze-epea luzatu arte garatutakoak, dagokion geroratzea eskatu ondoren.

3.– Programa honetako dirulaguntzak jarduera ekonomikoak nahiz ez-ekonomikoak finantzatzeko erabil daitezke, denak ere Batzordearen komunikazio honetan ezarritako baldintzetan ulertuta: «Ikerketa, garapen eta berrikuntzarako estatu-laguntzei buruzko esparrua», Europar Batasuneko Aldizkari Ofizialean argitaratua 2022ko urriaren 28an (2022/C 414/01).

Ikerketa-azpiegitura batek jarduera ekonomikoak eta ez-ekonomikoak garatzen baditu, jarduera-mota bakoitzaren finantzaketa, kostuak eta diru-sarrerak bereiz kontsignatuko dira, koherentziaz aplikatutako kostuen kontabilitate-printzipioak, objektibotasunez justifikatu daitezkeenak, oinarri hartuta.

4.– Ikerketa-azpiegitura batek jarduera ekonomikoak garatzen dituenen:

a) Azpiegituren jarduera edo erabileragatik kobratutako prezioa merkatuko prezioa izango da.

b) Hainbat erabiltzailek erabili ahal izango dituzte azpiegiturak, eta erabiltzeko baimena gardentasunez eta modu ez-diskriminatzailean emango dute. Azpiegituraren inbertsio-kostuen % 10 gutxienez finantzatu duten enpresek lehentasunez erabiltzeko onura izango dute, baita horretarako baldintza hobeak ere. Gehiegizko konpentsazioa saihestearren, enpresak inbertsio-kostuei egindako ekarpenaren araberakoa izango da erabilera, eta baldintzak jendaurrean ezagutaraziko dituzte.

c) Kategorien araberako Salbuespenen Erregelamendu Orokorren 6. artikuluan ezarritakoa betez, jarduera ekonomikoak finantzatzera bideratutako laguntzen eragin pizgarria bermatzeko, diruz lagundu daitezkeen jarduerak laguntza-programan eskabidea aurkeztu ondoren hasi beharko dira.

5. oinarria.– Diruz lagungarri diren gastuak.

1.– Diruz lagundu daitezkeen gastuei Dirulaguntzen Araubidea Erregulatzeko abenduaren 21eko 20/2023 Legearen 30. artikuluan ezarritakoa aplikatuko zaie.

2.– Gastu finantzagarriz hartuko dira 2027ko urriaren 31ra arte edo geroraturako egikaritze-epe onartua arte egindako egikaritze-kostuak –aktibo finko materialetan eta immaterialetan eginkoak–, 4. oinarrian zehaztutako ikerketa-azpiegitura eta ekipamendua eskuratzetik zuzenean eratorritakoak, bai eta eguneratzeko beharrezkoak diren osagarriak edo tresna lagungarriak eskuratzeko gastuak ere, eta ekipamendua abian jartzeko eta funtzionatzeko zalantzarik gabe behar diren beste kostu batzuk.

Era berean, software espezializatuko lizentzia iraunkorrak ere finantzatu ahal izango dira, baldin eta ikerketarako baino ez badira eta eskuratutako ekipamendua behar bezala erabiltzeko aukera ematen badute.

Halaber, proiektuaren kostuen auditoriari dagozkion gastuak ere finantzatu ahal izango dira. Auditoria-kostuak direla-eta, gehienez 1.500,00 euroko dirulaguntza emango zaio proiektu eta entitate onuradun bakoitzari.

Ez dira diruz lagunduko dirulaguntza kudeatzeko aholkularitza-gastuak.

Eguneratze-jardueratzat jotzen dira soilik ekipamenduaren prestazioak nabarmen handitzea edo ekipamenduaren zaharkitzea atzeratzea dakartenak.

3.– Ikerketa-azpiegitura eta -ekipamenduen proiektu bakoitzaren guztizko inbertsio-kostua 100.000 euro edo gehiagokoa eta 1.000.000 euro edo gutxiagokoa izan beharko da. Ez da onartuko 1.000.000 eurotik gorako aurrekontua duten ekipamenduak hainbat proiektutan zatikatzea. Proiektu berean ere ez dira onartuko 100.000 euro baino gutxiagoko kostu unitarioa daukaten eta beren artean loturarik ez duten elementuak. Erosketa-kostuak ezingo du inoiz gaindituko merkaturako balioa.

Muturreko berezitasuna duten proiektuek (ebaluazio teknikoan 90 puntutik gora lortu dutenek) 1.000.000 euroko muga gainditu ahal izango dute aurrekontuan.

Zentro bakoitzak aurkeztutako aurrekontuaren zenbateko osoak ezin izango du gainditu azken ekitaldiko I+Gko ustiapeneko diru-sarreraren % 10eko kontu ikuskatuekin.

4.– Dirulaguntzen Araubidea Erregulatzeko abenduaren 21eko 20/2023 Lege Orokorraren 30.3 artikuluan jasotako guztia betetzea. Hor ezarritakoaren arabera, diruz lagundu daitekeen gastuaren zenbatekoak Sektore Publikoko Kontratuei buruzko azaroaren 8ko 9/2017 Legean kontratu txikirako ezarritako zenbatekoak gainditzen dituenean, eta, betiere, hirugarrenak kontratatzea dakarrenean, entitate onuradunak hornitzaile desberdinen hiru eskaintza gutxienez eskatu beharko ditu, obrarako konpromisoa kontratatu aurretik, zerbitzua eman aurretik edo ondasuna entregatu aurretik, non eta, haien ezaugarri bereziak direla-eta, merkatuan ez den aski entitate haiek egin, eman edo entregatzeko, edo non eta gastua ez den egin eta ordaindu dirulaguntzaren ebazpena eman aurretik.

Aurkeztutako eskaintzen arteko hautapena (justifikazioan aurkeztuko dituzte horiek), efizientzia- eta ekonomia-irizpideei jarraikiz egingo da, eta memoria batean berariaz justifikatu beharko dute proposamen ekonomikoki abantailatsuena hautatzen ez dutenean.

Aurreko paragrafoetan ezarritakoarekin bat etorritz nahitaezkoa bada eskaintza batzuk eskatzea, eta ez badira horiek aurkezten, edo eskaintza merkeena ez den bat aukeratzen bada aukeraketa hori behar bezala justifikatu gabe, ondasun edo zerbitzuaren peritu-tasazio bat eskatu ahal izango du organo emaileak, eta onuradunak ordaindu beharko ditu horrek eragiten dituen gastuak. Halako kasuetan, bi balio hauetatik txikiena kontuan hartuz kalkulatu da dirulaguntza: onuradunak adierazitako balioa edo tasazioaren ondoriozkoa.

Era berean, ondasuna edo zerbitzua salbuespenezkoa bada edo merkatuan emaile edo hornitzaile aski ez bada, justifikazio-memoria bat aurkeztu beharko da, hiru eskaintza aurkezteko ezintasunari buruz.

5.– Gainera, Dirulaguntzen Araubidea Erregulatzeko abenduaren 21eko 20/2023 Legearen 30.4 artikuluan xedatutakoaren arabera, ondasun inbentariagarriak eskuratzeko, eraikitzeko, birgaitzeko eta hobetzeko, entitate onuradunak dirulaguntzaren xede zehatzerako erabili beharko ditu ondasunak, bost urtez gutxienez, erregistro publiko batean inskribatzeko moduko ondasunen kasuan, eta bi urtez gutxienez, gainerako ondasunen kasuan.

Erregistro publiko batean inskribatzeko moduko ondasunen kasuan, eskrituran jaso beharko da inguruabar hori, bai eta emandako dirulaguntzaren zenbatekoa ere; alderdi horiek dagokion erregistro publikoan inskribatu beharko dira.

Xede-betebehar hori ez betetzea –nahiz eta betebeharra beti gauzatuko den, ondasuna besterenduz edo kargatuz gero– itzultzeko arrazoia izango da, eta ondasuna itzulketa ordaintzeari atxikita geratuko da haren edukitzailea edozein dela ere, salbu eta erregistroko fede publikoak babestutako hirugarren bat denean edo ondasunak fede onez eta titulu zuzenarekin edo merkataritzako nahiz industriako establezimenduarekin eskuratu direla justifikatzen denean, inskribatzeko modukoak ez diren ondasun higigarrien kasuan.

6.– Oinarria – Laguntzen izaera eta emateko prozedura.

1.– Eman beharreko laguntzak itzuli beharrik gabeko dirulaguntzak izango dira, eta honako printzipio hauen arabera emango dira: publizitatea, gardentasuna, lehia, objektibotasuna, berdintasuna eta diskriminaziorik eza. Era berean, laguntza ematen duen administrazioak ezarritako helburuak eraginkortasunez betetzen direla bermatuko da, eta baliabide publikoak esleitzean eta erabiltzean efizientzia bermatuko da, Dirulaguntzen Araubidea Erregulatzeko abenduaren 21eko 20/2023 Legearen 7. artikuluan aurreikusitakoaren arabera.

2.– Norgehiagoka-prozedura bidez hautatuko dira proiektuak, aurkeztutako agirietan oinarrituta, eta bat etorri agindu honen 14. artikuluan zehaztutako irizpideekin eta prozedurekin. Proiektuak onartu egingo dira, baldin eta aipatutako 14. oinarriaren 2. paragrafoan ezarritako gutxieneko puntuazioa gainditzen badute.

3.– Agindu honen 7. oinarrian zehaztutako zenbatekoei jarraikiz emango zaizkie dirulaguntzak onartu diren proiektuei.

7. oinarria.– Laguntzen zenbatekoak.

1.– Onartutako proiektu bakoitzari eman beharreko dirulaguntza kalkulatzeko, oinarri honen 2. paragrafoan aurreikusitako laguntzaren gehieneko intentsitatea aplikatuko zaio onartutako proiektu bakoitzerako onartutako diruz lagun daitezkeen gastuen aurrekontuari.

2.– Entitate onuradun bakoitzari laguntzen ehuneko hauek emango zaizkio gehienez:

– % 50, azpiegituraren erabilera entitatearen jarduera ekonomikoarekin lotuta badago.

– % 100, azpiegituraren erabilera entitatearen jarduera ez-ekonomikoarekin lotuta badago.

3.– Deialdia finantzatzera bideratutako zuzkidura ekonomikoa, bat etorri deialdi-agindu honetan ezarritakoarekin, nahikoa ez bada jarduketa guztiak finantzatzeko aurreko 2. puntu ezarritako ehunekoaren arabera, diruz lagunduko diren proiektuak puntuaziorik onena lortu dutenak izango dira, dagokion aurrekontu-zuzkidura agortu arte.

8. oinarria.– Laguntzen bateragarritasuna.

1.– Agindu honetako laguntzak eskuratzen dituzten eragile zientifiko-teknologikoen beste laguntza batzuk ere eskuratu ahal izango dituzte jarduketa horiek gauzatzeko, edozein dela ere laguntza horien izaera edo laguntzak ematen dituen organoa edo administrazioa. Entitate onuradun bakoitzak jaso beharreko zenbatekoa ezagututa, agindu honetan ezarritakoaren arabera jaso ditzakeen laguntzak zehazteko, kontuan hartuko dira gai horri buruz Europar Batasunean indarrean dauden arauak.

Bereziki, Kategorien arabeko Salbuespenen Erregelamendu Orokorreko 8. eta 26. artikuluetan ezarritakoa. «Dirulaguntza hauek bateragarriak izango dira proiektu edo jarduera bererako emandako beste laguntza batzuekin, baldin eta laguntza-neurri horiek beste kostu diferente batzuei buruzkoak badira edo, kostu berberak osorik edo partez laguntzeko badira ere, dirulaguntzen baturak ez badu gainditzen Batzordearen 651/2014 (EB) Erregelamenduan ezarritakoaren arabera eman daitezkeen laguntzaren intentsitatea edo diru-zenbateko handiena».

2.– Europar Batasuneko erakundeek, agentziek, enpresa erkideek edo beste organo batzuek zentralki kudeatzen duten eta zuzenean edo zeharka estatu kidearen kontrolpean ez dagoen Batasunaren finantzaketa Estatuko laguntzekin konbinatzen bada, azken horiek soilik hartuko dira kontuan jakinarazpen-atalaseak eta laguntzaren gehienekoak errespetatzen diren zehazteko, betiere diruz lagun daitezkeen kostu berberetarako emandako finantzaketa publikoaren guztizko zenbatekoak ez baditu gainditzen Europako araudi aplikagarrian ezarritako gehieneko finantzaketa-ehunekoak.

3.– Eragile zientifiko-teknologikoen Industria, Trantsizio Energetiko eta Jasangarritasun Sailari jakinarazten badiote beste administrazio edo ente batetik dirulaguntzak eskuratu dituztela jarduera bererako, laguntzak ezin izango dira aurreko artikuluan aipatutakoa baino handiagoak izan. Horrela, bada, agindu honi jarraituz emandako laguntzak murriztu egingo dira muga horretara egokitu arte. Halaber, onuraduna gainfinantzaketarik ez izatera konprometitu beharko da.

## 9. oinarria – Organo kudeatzailea.

Industria, Trantsizio Energetiko eta Jasangarritasun Sailean, Teknologia eta Berrikuntza Zuzendaritza da agindu honetako dirulaguntzak emateko prozedura antolatu eta bideratzeko organo eskuduna.

Eskabideak ebaluatu ondoren, txosten bat egin beharko du agindu honen 13.2 oinarrian aipatzen den kide anitzeko organoak, eta bertan zehaztuko ditu egindako ebaluazioaren emaitzak.

Organo kudeatzaileak, espediente eta kide anitzeko organoaren txostena ikusita, ebazpen-proposamena egingo du, behar bezala arrazoituta. Proposamen hori behin betikotzat joko da, erakunde interesdunek azaldutako egitate, alegazio eta frogak besterik ez baita hartuko kontuan. Kasu horretan, proposatzen den behin-behineko ebazpena behin betikoa izango da.

Dirulaguntzak emateko espedienteak kudeaketa-organoaren txostena jasoko du, non adieraziko baita haren esku dagoen informazioak ondorioztatzen duela entitate onuradunek betetzen dituztela dirulaguntzak jasotzeko behar diren eskakizun guztiak.

## 10. oinarria – Izapideak Europar Batasunarekin.

Kategorien Araberako Salbuespeneko Erregelamendu Orokorrari lotutako laguntzen argitalpenari eta informazioari dagokionez, esan beharra dago laguntza-programa honen kudeaketaren arduradun diren aginteez konpromisoa hartzen dutela erregelamendu horren 9. artikuluan definitutako betebeharrak zintzotasunez errespetatu eta betetzeko.

Halaber, kategorien araberako salbuespenen Erregelamendu Orokorraren 1.2 artikuluan ezarritzen denez, Erregelamendu hau ez zaie aplikatuko honako hauei:

a) I+G+B laguntza-araubideak, baldin eta estatu-laguntzen batez besteko urteko aurrekontua 150 milioi eurotik gorakoa bada estatu kideko, indarrean jartzen denetik seigarren hilabetetik aurrera,

b) 1. artikuluko 2. apartatuko a) letran jasotako araubideen aldaketak, Erregelamendu honen arabera laguntza-araubidearen bateragarritasunari eragin ezin diezaioketen aldaketez edo onartutako ebaluazio-planaren edukari nabarmen eragin ezin diezaioketen aldaketez bestelakoak;

c) esportazioarekin lotutako jardueretarako laguntzak, zehazki, zuzenean lotura dutenak esportatutako kantitateekin, establezimenduetarako laguntzekin eta banaketa-sare baten funtzionamenduarekin edo esportazio-jarduerari lotutako beste ohiko kostu batzuetarako laguntzak;

d) inportatutako produktuen ordeztu herrialdekoak erabiltzeari lotutako laguntzak.

## 11. oinarria.– Eskabideak aurkeztea.

1.– Agindu hau EHAAr argitaratu eta hurrengo egunetik hasi eta 2026ko martxoaren 27ra bitartean aurkeztu ahal izango dira eskabideak.

2.– Eskabideak, errekerimenduak, jakinarazpenak, zuzenketak eta agindu honekin lotutako gainerako izapideak bitarteko elektronikoen bidez egingo dira, bat etorritik Administrazio Publikoaren Administrazio Prozedura Erkidearen urriaren 1eko 39/2015 Legearen III. tituluko II. kapituluaren eta Herritarrei arreta integral eta multikanala emateko eta zerbitzu publikoak bitarteko elektronikoz irispidean izateko ekainaren 20ko 91/2023 Dekretuan ezarritakoarekin.

3.– Eskabidea eskuratzeko eta betetzeko, egoitza elektronikoa honetara jo beharko da:

<https://www.euskadi.eus/servicios/1110706/> (castellano).

<https://www.euskadi.eus/zerbitzuak/1110706/> (euskera).

Eskaera egin ondorengo izapideak, kanal elektronikoaren bidez, baita jakinarazpenak eta espedientearen kontsulta ere, «Nire karpeta» gunearen bitartez egingo dira, Euskal Autonomia Erkidegoko Administrazio Publikoaren egoitza elektronikoan:

<https://www.euskadi.eus/nirekarpeta>

<https://www.euskadi.eus/nirekarpeta>

4.– Eskatzaileak berak aukeratzen duen hizkuntza ofizialean aurkeztu ahalko ditu laguntza-eska-bidea eta eskatutako agiriak. Gainera, laguntza-eskaeratik eratorritako jardunetan eta prozedura osoan, entitate eskatzaileak aukeratutako hizkuntza erabiliko da, Euskararen Erabilera Normalizatzeko azaroaren 24ko 10/1982 Oinarrizko Legean ezarritakoaren arabera.

5.– Datu pertsonalen tratamendua arau hauetan xedatu bezala egin beharko da: 3/2018 Lege Organikoa, abenduaren 5ekoa, Datu Pertsonalak Babestekoa eta Eskubide Digitalak Bermatzekoa, eta horretan aplikatu daitezkeen gainerako araudia; 2016/679 (EB) Erregelamendua, 2016ko apirilaren 27koa, Europako Parlamentuarena eta Kontseiluarena, datu pertsonalen tratamenduari eta datu horien zirkulazio askeari dagokienez pertsona fisikoak babesteari buruzkoa, 95/46 (EE) Zuzentaraua indargabetzekoa (Datuan Babeserako Erregelamendu Orokorra).

Helbide honetan dago jasota datuak babesteari buruzko informazioa:

<https://www.euskadi.eus/informazio-klausulak/web01-sedepd/eu/gardentasuna/077400-cap2-eu.shtml>

Eusko Jaurlaritzako Industria, Trantsizio Energetiko eta Jasangarritasun Saileko Teknologia eta Berrikuntzako zuzendaria da emandako datuen arduraduna, eta haren aurrean gauzatu ahal izango dira datu pertsonalak eskuratzeko, zuzentzeko, ezabatzeko, aurkatzeko, tratamendua mugatzeko eta eramangarritasunerako eskubideak, indarrean den araudiak aitortzen duen beste edozein eskubide, eta banakako erabaki automatizatuen xede ez izateko eskubidea. Horretarako, Industria, Trantsizio Energetiko eta Jasangarritasun Saileko Teknologia eta Berrikuntza Zuzendaritzara jo beharko da (Donostia kalea 1: 01010 Vitoria-Gasteiz).

6.– Entitate interesdunek eskabide bat aurkeztu beharko dute proiektu bakoitzeko, entitatearen legezko ordezkariaren sinadura elektronikoarekin. Eskabidearekin batera, honako agiri hauek aurkeztu beharko dira:

a) Eskabidea, erakunde eskatzailea ordezkatzeko ahalorde nahikoa duen pertsonak sinatua, sinadura elektroniko aurreratuen bidez (ziurtagiri elektroniko aitortu bidez), egin beharreko jarduerak eta aurreikusitako aurrekontua zehaztuta.

b) Ikerketa-azpiegitura edo ekipamenduaren proposamena deskribatzen eta justifikatzen duen memoria tekniko-ekonomikoa.

c) Entitate eskatzailearen jarduerari buruzko oinarrizko datuak, entitatearen jarduera ekonomikoaren eta ez-ekonomikoaren xehetasuna barne dela.

d) Deialdiaren aurreko ekitaldian onetsitako finantza-egoeren auditoria-txostena.

e) Auditoria-entitateak emandako ziurtagiria, hauek jasotzen dituen: entitatearen kostuen kontabilitate-prozedurarekin bat etorritik, jarduera ez-ekonomikoaren kostua, gastu-kontzeptuen arabera banakatua, deialdiaren aurreko ekitaldiari dagokiona.

f) Auditoria-entitateak emandako ziurtagiria, hauek jasotzen dituenak: jarduera ez-ekonomikoaren ondoriozko sarrerak, finantzaketaren jatorriaren arabera banakatuak, deialdiaren aurreko ekitaldiari dagozkionak.

g) Deialdiaren urteari dagokion jarduera ez-ekonomikoaren sarrera eta gastuen aurrekontua.

h) Erakunde eskatzailearen pertsona eskatzailearen ordezkartza-ahalordea.

i) Aurrekontuak edo proforma fakturak, dirulaguntzaren xede den kontzeptu bakoitzari dagokion jarduketaren guztizko kostua egiaztatzen dutenak.

j) Obra-lizentzia, hala badagokio.

k) Erantzukizunpeko adierazpena, hauek ziurtatzeko:

– Aurreko bi zerga-ekitaldietan eta uneko zerga-ekitaldian proiektu bererako beste entitate publiko nahiz pribatu batzuei eskatutako edo haiek emandako laguntzen zerrenda. Laguntza horien zenbatekoak adierazi beharko dira, eta entitate emailearen identitatea ere bai, ezertan eragotzi gabe etorkizunean xede bererako jaso ditzakeen laguntzen zenbatekoa adierazteko bete-beharra, laguntza likidatzen den arte iraungo duena.

– Eskatutako laguntza jarduera berberetarako onartutako edo ordaindutako beste laguntza batzuekin bateragarria izanik, gainfinantzaketarik ez izatea.

– Ez dago laguntza edo dirulaguntza publikoak lortzeko aukera galtzea dakarren epai irmo batez kondenatuta, delitu hauetakoren bat egiteagatik: prebarikazioa, funtzionario-eroskeria, ondasun publikoak bidegabe erabiltzea, influentzia-trafikoa, iruzurrak eta legearen aurkako ordainarazpenak edo hirigintza-delituak.

– Entitateak ez du eskatu borondatezko konkurtso-deklaraziorik, ez da kaudimengabetzat jo prozeduraren batean, ez dago konkurtsoan deklaraturik, salbu eta horretan eraginkortasuna hartu badu hitzarmen batek, ez dago esku-hartze judizialaren pean edo desgaituta, Konkurtsoari buruzko uztailaren 9ko 22/2003 Legearen arabera, konkurtsoaren kalifikazio-epaian ezarritako desgaituntza-aldia amaitu gabe dagoelarik.

– Ez du Administrazioarekin egindako kontraturen baten suntsiarazpen irmorik eragin, dena delakoa izanik erruduntzat jo den arrazoia.

– Pertsona fisikoa, merkataritza-sozietateen administratzaileak edo beste pertsona juridiko batzuen legezko ordezkartza dutenak ez daude lege hauek jasotako bateraezintasun-araubidearen kasuetako batean: Administrazio Publikoen Zerbitzuko Langileen Bateraezintasunei buruzko abenduaren 26ko 53/1984 Legea eta Kargu Publikodunen Jokabide Kodea eta Interes Gatazkak Arautzen dituen Eusko Legebiltzarren ekainaren 26ko 1/2014 Legea. Edo ez dira Hauteskunde Araubide Orokorren ekainaren 19ko 5/1985 Lege Organikoan araututako hautapenezko karguak, lege horretan edo gai horiek arautzen dituen autonomia-erkidegoko araudian ezarritako baldintzetan.

– Haren zerga-egoitza ez dago araudiaren arabera zerga-paradisu gisa sailkatutako lurralde edo herrialderen batean.

Egunean izatea dirulaguntzak itzultzeko bete-beharren ordainketa, Ekonomia eta Ogasuneko sailburuaren 2023ko otsailaren 13ko Aginduaren 4. artikuluan ezarritakoaren arabera (Agindua, 2023ko otsailaren 13koa, Ekonomia eta Ogasuneko sailburuarena, Euskal Autonomia Erkidegoko aurrekontu orokorren kontura ematen diren laguntzen eta dirulaguntzen esparruan bai zerga-bete-

beharrak eta Gizarte Segurantzarekikoak bai dirulaguntzak itzultzeari buruzkoak betetzen direla egiaztatzeari buruzkoa).

– Ebazpen irmo baten bitartez ez du galdua dirulaguntzak jasotzeko aukera, bat etorritik lege honekin edo halakorik ezartzen duten beste batzuekin. Zehazki, ez dute zigor- edo administrazio-bidean zehatu sexu-diskriminazioagatik edo emakumeen eta gizonen berdintasunaren arloko araudia ez betetzeagatik. Halaber, adierazten du ezen, Estatuko araudiaren arabera berdintasun-plan bat izatera behartuta egonez gero, halakorik baduela, eta, entitateak 50 langile baino gehiago izanez gero, sexu-jazarpena edo sexuan oinarritutako jazarpena prebenitzeko eta horri aurre egiteko neurriak ezarri izana egiazta dezakeela, emakumeen eta emakumeen berdintasunari buruzko Estatuko legedian ezarritako baldintzetan.

LGBTIfobiaz jokatu ez izana, edo hura bultzatu edo sustatu ez izana, bihurketa-terapiak sustatzea edo egitea barne (otsailaren 28ko 4/2023 Legearen 82. artikulua).

– Ez dagoela zigortuta Hondakinak eta lurzoru kutsatuak arautu eta ekonomia zirkularra bultzatzeko apirilaren 8ko 7/2022 Legean edo Euskadiko Ingurumen Administrazioaren abenduaren 9ko 10/2021 Legean aurreikusitako arau-hauste astun edo oso astun batengatik, administrazio-bidean emandako ebazpen irmo baten bidez, neurri zuzentzaile egokiak hartu eta zehapena ordaindu arte.

– Hala badagokio, desgaitasuna duten pertsonentzat legez ezarritako erreserba-kuota bete duela, hori betetzeko neurri alternatiboak abian jarri direla egiaztatu gabe.

– Bat etorritik Dirulaguntzen Araubidea Erregulatzeko abenduaren 21eko 20/2023 Legearen 9.4.p) artikuluaekin, konpromisoa hartzen du enpresen deslokalizaziorik ez egiteko, aipatutako legearen 51. artikuluko baldintzetan.

– Entitate eskatzailea ez da betetzeke duen berreskuratze-agindu baten pean dagoen enpresa edo entitate bat, baldin eta Europar Batasuneko Batzordeak aurretiaz erabaki badu laguntza bat legez kanpokoa eta merkatu bateratuarekin bateraezina dela.

– Entitate eskatzailea ez da krisian dagoen enpresa edo entitate bat, krisian dauden enpresa ez-finantzarioak salbatzeko eta berregituratzeko estatu-laguntzei buruzko zuzentarauetako definizioari jarraikiz (2014/C 249/01).

– Hala badagokio, efektu pizgarriari buruzko adierazpena, Kategorien arabeko Salbuespenaren Erregelamendu Orokorraren 6. artikuluan ezarritakoaren arabera.

– Programako laguntzak emateko oinarri arautzaileetan eskatutako eskakizunak betetzen ditu.

Zuzendaritza kudeatzaileak automatikoki egiaztatuko du IFZ eta zerga-betebeharrak eta Gizarte Segurantzarekiko ordainketak egunean dituela, bat etorritik Ekonomia eta Ogasuneko sailburuaren 2023ko otsailaren 13ko Aginduaren 6. artikuluan zehaztutakoarekin, Euskal Autonomia Erkidegoko aurrekontu orokorren kontura ematen diren laguntzen eta dirulaguntzen esparruan bai zerga-betebeharrak eta Gizarte Segurantzarekikoak bai dirulaguntzak itzultzeari buruzkoak betetzen direla egiaztatzeari buruzkoa.

Hala ere, kudeaketa-organoak inguruabar horiek zuzenean egiaztatzearen aurka agertzen den entitate interesdunak bere kabuz aurkeztu beharko ditu dagozkion ziurtagiriak. Bestalde, bat etorritik arau horren 7. artikuluaekin, erantzukizunpeko adierazpen baten bidez egiaztatuko da dirulaguntzak itzultzeko betebeharrak bete izana.

Erantzukizunpeko adierazpen batean jasotako edozein datu edo informazio zehatza ez bada, faltsua bada edo falta bada, edo erantzukizunpeko adierazpena aurkezten ez bada, edo adiera-

zitakoa betetzen dela egiaztatzeko eskatzen den dokumentazioa aurkezten ez bada, ezin izango da diruz lagundutako jarduketarekin jarraitu egitate horiek jakiten diren unetik bertatik, hargatik eragotzi gabe izan litezkeen erantzukizun penal, administratibo edo zibilak.

7.– Bat etorri Administrazio Publikoen Administrazio Prozedura Erkidearen urriaren 1eko 39/2015 Legearen 28. artikuluekin:

– Administrazio jarduleak izapideak egiteko behar diren agiriak eskatu edo kontsultatu ahal izango ditu –bertan daudenak edo beste administrazio batzuek egin dituztenak–. Hala ere, entitate eskatzaileak tratamendu horren aurka egin ahal izango du, eta, kasu horretan, betebeharra bete duela egiaztatzen duen agiria aurkeztu beharko du.

– Entitate eskatzaileak ez daude behartuta prozedura bideratzeko organo eskudunak lehendik dituen agiriak aurkeztera, eta eskabidean adierazi beharko dute zein den orduko hartan jakinarazi zitzaizen espediente-zenbakia, baldin eta bost urte igaro ez badira dagokien prozedura amaitutzat eman zenetik. Ezin bada agiria zuzenean eskuratu, entitate eskudunak agiri hori aurkezteko eskatu ahal izango dio entitate eskatzaileari, edo, aurkeztu ezin badu, agirian aipatzen diren eskakizunak beste gisa batez egiaztatzeko.

8.– Pertsona fisikoei, enpresei, fundazioei eta enpresa-elkarteetako ordezkariak bermatu egingo zaie beren hizkuntza, euskara edo gaztelania, ahoz zein idatziz erabiltzeko eta arreta hizkuntza horretan jasotzeko eskubidea, Industria, Trantsizio Energetiko eta Jasangarritasun Sailarekin nahiz oinarri hauetan araututako dirulaguntzaren entitate laguntzaile SPRI Enpresa Garapenerako Euskal Agentziarekin izango dituzten harremanetan.

12. oinarria.– Eskabideak zuzentzea eta prozedura antolatzea.

1.– Eskabidea puntu guztietan behar bezala beteta ez badago, edo aurreko artikuluan adierazitako agiri guztiak aurkezten ez badira, 10 eguneko epea emango zaio entitate eskatzaileari errorea zuzentzeko edo beharrezkoak diren agiriak aurkezteko. Epe hori igarota hala egin ez badu, eskabidean atzera egin duela ulertuko da, eta ondorioz teknologian eta berrikuntzan eskumena duen zuzendariak dagokion ebazpena emango du, Dirulaguntzen Araubidea arautzen duen abenduaren 21eko 20/2023 Legearen 20.4 artikuluan xedatutakoarekin bat etorri.

2.– Dirulaguntzaren kudeaketa-organok beste edozein agiri edo informazio osagarri eskatu ahal izango die eskatzaileei, beharrezkotzat jotzen badu haiek aurkeztutako eskabideak behar bezala ulertu, ebaluatu eta izapidetu ahal izateko, bat etorri Administrazio Publikoen Administrazio Prozedura Erkidearen urriaren 1eko 39/2015 Legearen 73.2 artikuluan ezarritakoarekin.

13. oinarria.– Eskabideak ebaluatzeko organoa.

1.– Berriaz xede honetarako sortutako ebaluazio-organok dagokio aurkeztutako eskabideak aztertzea eta ebaluatzea, bai eta baita aurkez daitezkeen administrazio-errekurtsoak ere. Ebaluazio hori egin ondoren, organok dagokion ebaluazio-txostena egingo du, azterketaren emaitzak zehaztuz. Ondoren, Teknologia eta Berrikuntzako zuzendariari helaraziko dio, hura baita laguntza horien organo kudeatzailea. zuzendariak, kide anitzeko organoaren espedientea eta txostena erreferentziatzen hartuta, proposamen bat egingo dio Teknologiako, Berrikuntzako eta Eraldaketa Digitaleko sailburuordeari, eta hark izango du laguntzak emateko ebazpenak emateko eskumena.

2.– Organo horren buru Iker Azqueta Madariaga izango da, Teknologia eta Berrikuntza Zuzendaritzako arduraduna, eta Teknologia eta Berrikuntza Zuzendaritzako beste arlo-arduradunetako bat izango da ordezkaria.

Kide hauek izango dira bokalak:

– José Luis Azkue Arrastoa, Industria Garapen eta Administrazioaren Zuzendaritzaren pertsona titularra, edo karguan hura ordeztzen duena; ordezkoa, berriz, Rosa María Murillas Maza, Industria Garapenaren arloan eskumena duen Zuzendaritzako teknikaria.

– Amaia Martínez Muro, SPRI-Enpresa Garapenerako Euskal Agentziako Teknologia Saileko ordezkaria; ordezkoa, berriz, Cristina Oyón.

– Rikardo Bueno Zabalo, Basque Research and Technology Alliance (BRTA) Partzuergo zientifiko-teknologikoaren ordezkaria; ordezkoa, berriz, Jon Kepa Gerrikagoitia Arrien.

Igor Cuesta Kortaxarena, Industria, Trantsizio Energetiko eta Jasangarritasun Saileko teknologian eta berrikuntzan eskumena duen zuzendaritzako lantalde teknikoko pertsona, idazkari-lanak egingo dituena, eta Larraitz Segurola Bereciartua, ordezko gisa.

3.– Ebaluazio-organoa baliozkotasunez eratuta geratuko da bilerak eta eztabaidak egiteko eta erabakiak hartzeko, baldin eta lehendakaria, idazkaria (edo haien ordezkoak) eta gutxienez gainerako kideetako bat bertaratzen badira Ebaluazio-organoaren funtzionamenduari dagokionez apartatu honetan aurreikusi gabe dauden kasu guztietan, modu osagarrian aplikatuko dira Sektore Publikoaren Araubide Juridikoaren urriaren 1eko 40/2015 Legearen 15. Artikulua, eta 2. azpiatalerako 19. artikulutik 22.era bitartekoak izango dira aplikazio osagarrikoak.

14. oinarria – Ebaluatzeko irizpideak.

1.– Ikerketa-azpiegitura edo - ekipamenduaren proiektuak hautatzeko, irizpide hauek aplikatuko dira:

a) Funtsezko irizpideak (70 puntu).

a.1.– Euskadi 2030 Industria Planari egindako ekarpena (15 puntu):

a.1.1.– Ardatz estrategikoak: ikerketako azpiegiturak edo ekipamenduak Industria Planaren ardatz estrategikoei laguntzen die: Industria gehiago, Industria hobea eta Emisio gutxiago.

a.1.2.– Sektore estrategikoak: ikerketa-azpiegiturak edo - ekipamenduak Euskadi 2030 Industria Planeko Hazi eta Irabazi sektore estrategikoei laguntzen die.

a.1.3.– Nazioarteko posizionamendu-ekimenak: ikerketako azpiegitura edo ekipamendua lagungarria da Horizon Europe eta Ikerketa Azpiegituren eta Azpiegitura Teknologikoen Europako Estrategiaren esparruko nazioarteko ekimenetarako.

a.2.– Ikerketa-azpiegitura edo - ekipamenduaren kalitatea (15 puntu):

a.2.1.– Kalitate teknikoa: ikerketa-azpiegitura edo - ekipamenduak gaur egun eskatzaileak eskura ez dituen zenbait ezaugarri tekniko eta prestazio betetzen ditu.

a.3.– Ikastetxearen helburu zientifiko-teknologikoetara egokitzea (15 puntu):

a.3.1.– Egokitasuna: ikerketa-azpiegitura edo - ekipamenduaren ezaugarriak egokiak dira lortu nahi diren helburu zientifiko-teknikoak lortzeko, eta horrek ekipamenduaren beharra edo hura eguneratzeko beharra justifikatzen du.

a.4.– Eragina EAEko industria-sarearen eraldaketan (15 puntu):

a.4.1.– Eragin zientifiko-teknologikoa: besteak beste, hauek baloratuko dira: argitalpen zientifikoak, doktorego-tesiei laguntzea, ikerketa-proiektuei egindako ekarpena –bai enpresekin, bai ZTBESko eragileekin eta nazioarteko beste eragile batzuekin–, bai eta ikerketa-azpiegitura edo - ekipamenduaren erabileran oinarrituta sortzea espero den patente-kopurua ere.

a.4.2.– Izaera eraldatzaileko ekimenekin lerrokatzea: ikerketa-azpiegiturak edo -ekipamenduak Euskadi 2030 Industria Planaren barruko ekimen eraldatzaileak bultzatzen ditu.

a.5.– Erabilera- eta kudeaketa-plana (10 puntu):

a.5.1.– Erabilera- eta kudeaketa-plana: ikerketa-azpiegitura edo -ekipamenduaren erabilera-, kudeaketa-plana eta ustiapen-eredu xehatua ditu, baita fase bakoitzaren kronograma zehatza (3-5 urte) ere.

b) Irizpide orokorrak (30 puntu).

b.1.– Hirugarrenek erabiltzeko zabalik: badago estrategia bat ikerketa-azpiegitura edo -ekipamendua hirugarrenei zabaltzeko, dela tokiko edo nazioarteko eragile eta ikertzaileei, dela nazioartean erreferente diren entitateei (10 puntu).

b.2.– Lantaldea: entitate eskatzailean ekipamenduaren ardura duen taldearen osaera eta esperientzia, haren erabilera eta kudeaketa, eta entitate eskatzaileak orain arte egindako proiektuen eta ekarpenen garrantzia. Positiboki baloratuko da gizonen eta emakumeen osaera parekidea izatea ikerketa-taldean (10 puntu).

b.3.– Aurrekontua: aurrekontua bat dator jarduketarekin, eta egokia da lortu nahi diren helburuei eta egin beharreko jardueri dagokienez (10 puntu).

2.– Proiektu batek, hautatua izateko, bi baldintza hauek bete behar ditu aldi berean: alde bate-tik, atera daitekeen gehieneko notaren (50 puntu) % 50era iristea ebaluazioan lortutako guztizko nota, eta, bestetik, funtsezko irizpide bakoitzean atera daitekeen gehieneko notaren % 40 baino nota hobea ateratzea.

15. oinarria.– Ebazpen-proposamena.

1.– Kudeaketa-organoak, espedientea eta kide anitzeko organoaren txostena ikusirik, ebazpen-proposamena egingo du, agindu honen 9.1 artikuluan ezarri bezala.

2.– Ebazpen-proposamen arrazoituak hauek jasoko ditu gutxienez:

a) Onartzea proposatzen diren proiektuen zerrenda, bakoitzari buruz hauek adierazita: entitate onuraduna, ebaluazioan lortutako puntuazioa; onartutako/onetsitako aurrekontua, proiektua gauzatzeko epeak eta zer zenbateko ematea proposatzen den.

b) Deialdiaren betekizunak ez betetzeagatik ezestea proposatzen diren eskaeren zerrenda, horrekin batera ezesteko proposamenaren arrazoiak, eta, hala badagokio, ebaluazioan lortutako puntuazioa. Era berean, aurrekontua agortu delako erantzun ezin diren eskabideak ere jasoko dira, eta inguruabar hori berariaz adieraziko da ezesteko arrazoi gisa.

16. oinarria.– Ebazpena, errekurtsioak, ebazteko eta jakinarazteko epea, jakinarazteko modua eta publizitate-prozedura.

1.– Prozedura bakar batean ebatziko dira aurkeztutako eskabideak, eta, ebazpenean, entitate interesdunek azaldutako gai guztiak erabakiko dira. Teknologiko, Berrikuntzako eta Eraldaketa Digitaleko sailburuordeak emango du ebazpen hori, kudeaketa-organoaren proposamenez.

2.– Laguntzak ez dira emango kreditu nahikoa eta egokia egon arte.

3.– Dirulaguntzen Araubidea Erregulatzeko Legeko 22.3 artikulua arabera, ebazpenak informazio hau jaso behar du, gutxienez: eskatzaileen artetik, dirulaguntza nori edo nortzuei eman

zaien; xedea; zenbatekoa; ordaintzeko modua eta epeak; justifikatzeko modua; zer xedapenen babesean eman den; beste zer baldintza eta eskakizun eskatzen diren, bai eta gainerako eskabi-deak ezetsi diren ere. Deialdiaren oinarrietan dagoeneko ezarrita dauden edukien errepikapena diren baldintza eta betekizunak aipatu gabe utzi ahal izango dira ebazpenean eta, haien ordez, egoitza elektronikorako estekak jar daitezke, deialdia eta oinarriak haietan kontsultatzen.

4.– Prozedura ebazteko eta ebatzitakoa entitate interesdunei jakinarazteko gehieneko epea sei hilabetekoa izango da, laguntzen deialdia EHAA-n argitaratu eta hurrengo egunetik aurrera. Epe hori igarota ebazpenik jakinarazi ez bada, eskabidea ezetsi egin dela ulertu beharko dute entitate interesdunek, Dirulaguntzen Araubidea Erregulatzeko abenduaren 21eko 20/2023 Legearen 22.5 artikuluan ezarritakoaren ondorioetarako.

Hartzen den ebazpenak ez dio amaiera emango administrazio-bideari. Ebazpen horren aurka, interesdunek gora jotzeko errekurtsoa aurkeztu ahal izango dute ebazpena eman zuenaren aurrean edo Industria, Trantsizio Energetiko eta Jasangarritasuneko sailburuaren aurrean, hilabeteko epean, ebazpena jakinarazten denetik aurrera, edo, egintza espresua ez bada, edozein unetan, eta aipatutako sailburuak ebatziko du errekurtsoa; hori guztia, bat etorritik Administrazio Publikoaren Administrazio Prozedura Erkidearen urriaren 1eko 39/2015 Legearen 121. eta 122. artikuluekin.

5.– Bat etorritik Administrazio Publikoaren Administrazio Prozedura Erkidearen urriaren 1eko 39/2015 Legearen 45.1.b) artikuluan aurreikusitakoarekin, ebazpena egoitza elektronikoen iragarki-taulan argitaratuta jakinaraziko da (<https://www.euskadi.eus/iragarki-taula-elektronikoa/>), edo Euskal Herriko Aldizkari Ofizialean argitaratuta, hala badagokio. Era berean, erakunde eskatzaile bakoitzari jakinarazpen bat bidaliko zaio dirulaguntza emateko ebazpenaren berri emanez, baina jakinarazpen pertsonal horrek ez du jakinarazpen ofizialaren ondorioz izango.

Ebazpen horri eranskin bat gehituko zaio, eta han, entitate onuradunei jakinaraziko zaie zer urrats egin behar duten espedientea amaitu arte eta zer agiri aurkeztu behar duten justifikazio-fasean (agiriok eskuragarri jarriko dira).

#### 17. oinarria.– Laguntzen ordainketa.

1.– Laguntzak zuzenean entitate onuradunei ordainduko zaizkie, honako era honetan zatikaturik:

a) Dirulaguntzaren % 70 ebazpena jakinarazi ostean ordainduko da, baldin eta 18.4.a) oinarrian zehaztutako epea igarota dirulaguntzari berariaz uko egin ez bazaio.

Emandako zenbatekoak gainditzen baditu 698/1991 Dekretuaren 3. artikuluko bigarren apartatuan ezarritako mugak, ordainketa aurreratua egingo da, banku-abala artikulua horretan zehaztutako moduan eratu eta aurkeztu ondoren (698/1991 Dekretua, abenduaren 17koa, zeinaren bidez arautzen baita Euskal Autonomia Erkidegoaren Aurrekontu Orokorren pentzudan ematen diren dirulaguntzen bermeei eta horiek itzultzeari buruzko erregimen orokorra, eta horien kudeaketan parte hartzen duten entitate laguntzaileek bete beharreko eskakizunak, araubidea eta betebeharrak ezartzen).

b) Gainerako % 30a jasotzeko, aurretik agiri bidez justifikatu beharko dira dagokion jarduera egin izana, finkatutako helburuen egikaritze-maila eta egindako gastua.

2.– Dirulaguntza 2027ko azaroaren 30a arte justifikatu ahal izango da, edo egikaritze-epea geroratzea baimentzeko ebazpenetan ezartzen duen arte, eta justifikazio-kontu baten bidez egingo da, bat etorritik Dirulaguntzei buruzko azaroaren 17ko 38/2003 Lege Orokorren Erregelamendua onartzen duen uztailaren 21eko 887/2006 Errege Dekretuaren 72. artikuluan ezarritakoarekin.

Justifikazio-kontua betetzen laguntzeko, dirulaguntza emateko ebazpenarekin batera, entitate onuradun bakoitzari dagozkion jarraibideak bidaliko zaizkio.

Justifikazio-kontuak hauek jasoko ditu:

a) Dirulaguntza eman zenean ezarritako baldintzak bete direla justifikatzen duen jarduketa-memoria. Bertan, hauek zehaztuko dira: egindako jarduketak; lortutako emaitzak kuantifikatuta edo baloratuta; eskatutako eta emandako aldaketak; kontratu, hitzarmen, akordio eta abarren azken betetze-mailari buruzko txostena.

b) Memoria ekonomikoa, egindako jardueren kostua frogatzen duena, honako hauek zehaztuta:

– Jardueraren gastu eta inbertsioen zerrenda sailkatua, alderdi hauek zehaztuta: hartzekodunaren eta agiriaren identifikazioa, zenbatekoa, noiz eman den eta, hala badagokio, noiz ordaindu den. Dirulaguntza aurrekontu baten arabera eman baldin bada, gertatutako desbideratzeen berri emango da.

– Aurreko paragrafoan aipatutako zerrendan jasotako fakturak edo merkataritzako trafiko juridikoan antzeko froga-balioa duten dokumentuak edo administrazio-eraginkortasuna dutenak; eta, hala badagokio, ordainketaren egiaztagiria.

– Tasazio independentearen ziurtagiria, behar bezala egiaztatua eta dagokion erregistro ofizialean inskribatua, ondasun higiezinak eskuratuz gero.

– Diruz lagundutako jarduera finantzatu duten beste diru-sarrera edo dirulaguntza batzuk zehatz-mehatz adieraziko dira, zenbatekoa eta haren jatorria zehaztuta.

– Dirulaguntzen Araubidea Erregulatzeko abenduaren 21eko 20/2023 Legearen 30.3 artikuluari jarraikiz, entitate onuradunak hiru aurrekontu eskatu behar ditu, obrarako konpromisoa hartu aurretik, edo zerbitzua emateko edo ondasuna entregatzeko konpromisoa hartu aurretik, salbu eta, ezaugarri bereziak dituztela-eta, ez badago merkatuan horiek egiten, ematen edo hornitzen dituen behar adina entitate, edo salbu eta gastua eskabidea aurkeztu aurretik egin bada.

c) Auditoretza-txosten bat, sinatua, Kontabilitateko eta Kontu Auditoretzako Institutuaren mendeko Kontuen Auditoreen Erregistro Ofizialean inskribatutako pertsona batek egina; onartutako proiektu bakoitzeko, auditoretza-txosten bat aurkeztu beharko da.

Auditoretza-txostena osatzeko, justifikazioko kontua egiaztatuko duen zerrenda bat aurkeztu beharko da, eta, hor, zenbait mugarri jaso. Auditoreak egiaztatu behar du mugarri horiek bete diren, dagokion deialdian ezarritako ereduari jarraituz. Dokumentu hori entitate onuradunen eskura jarriko da, ebazpenarekin batera doazen jarraibideetan agertuko diren URLen bidez.

d) Proiektuaren gastua egiaztatzen duen dokumentua, bai eta jasotako beste laguntza batzuk berriaz aitortzen dituen adierazpena ere.

3.– Laguntzak ordaindu aurretik, entitate onuradunak Teknologia eta Berrikuntza Zuzendaritzaren esku jarriko du agindu honen 11. oinarrian aipatzen den erantzukizunpeko adierazpenean azaltzen diren datuak egiaztatzeko beharrezkoa diren agiriak.

4.– Teknologia eta Berrikuntza Zuzendaritzak beharrezkotzat jotzen dituen agiriak eta argibide osagarriak eska ditzake, entitate onuradunak aurkeztutako agirietako datuak egiazkoak direla frogatze aldera.

5.– Onuradunei aurreratutako funtsetatik sortzen diren finantza-etekinek ez dute dirulaguntza handitzen; izan ere, onuradunak irabazi-asmorik gabeko erakundeak dira, eta aurrerakinak ikerketa-azpiegituren eskari handiei erantzuteko erabiltzen dira.

18. oinarria.– Entitate onuradunen betebeharrak.

1.– Inbertsioak eta gastuak, edo aurreikusitako gastuen konpromisoa, laguntza eman den urtean egin beharko dira, eta agindu honen 5.2 oinarrian aipatutako epean, auditoretza-txostenari dagozkionak izan ezik, horiek gauzatze-epea amaitu eta hurrengo lau hilabeteetan fakturatu ahal izango baitira.

2.– Agindu honetan araututako dirulaguntzen onuradunek indarrean dagoen araudia bete beharko dute, hargatik eragotzi gabe Dirulaguntzen Araubidea Erregulatzeko abenduaren 21eko 20/2023 Legearen 9.4.p), 14, 27 eta 42 artikuluek ezartzen dituzten betebeharrak.

3.– Entitate onuradunek, orobat, beren jarduera ekonomikoa merkatuaren baldintza arrunten arabera gauzatzeko, xedapen hauetan ezarritako baldintzak bete beharko dituzte: Batzordearen «Ikerketa, garapen eta berrikuntzarako estatu-laguntzei buruzko esparrua» (2024-06-27ko EBAO, C 198) jakinarazpenaren 2.2.1 apartatua eta Zientzia, Teknologia eta Berrikuntzako Euskal Sarea-ren osaera arautu eta eguneratzen duen ekainaren 23ko 109/2015 Dekretuaren 15. artikuluan.

4.– Entitate onuradunek, gainera, honako betebeharrak izango dituzte:

a) Emandako dirulaguntza onartzea. Hala, dirulaguntza emateko ebazpena argitaratzen den egunetik hasi eta hamabost eguneko epean entitate onuradunak dirulaguntzari espresuki uko egin ez badio, dirulaguntza onartutzat hartuko da.

b) Dirulaguntza zer jardueratarako esleitu den, horiexetarako erabiltzea, eta ez beste ezertarako, hargatik eragotzi gabe Teknologiako, Berrikuntzako eta Eraldaketa Digitaleko Sailburuordetzak onartu ahal izatea jarduera horiek egikaritzean sor litezkeen aldakuntzak, baldin eta aldakuntza horiek guztiz justifikatu badira, eta teknologiaren, berrikuntzaren eta eraldaketa digitalaren arloan eskumena duen sailburuordetzako titularraren berriazko baimena lortu badu, agindu honen 21. oinarrian ezarritakoarekin bat etorritz.

c) Baimena ematea Teknologiako, Berrikuntzako eta Eraldaketa Digitaleko sailburuordeari edota hark izendatutako auditoreari, proiektuaren garapena osatzen duten lanetarako eta proiektu horri lotutako bestelako agiriatarako sarbide librea izateko.

d) Publikoki zabaltzeko sortzen diren agirietan, karteletan, propagandan, edo argitalpenetan, Eusko Jaurlaritzaren logotipoa eta «Eusko Jaurlaritzak diruz lagundua» dioen esaldia azaldu beharko dira, dirulaguntza emateko ebazpenari erantsitako jarraibideetan ezarritako moduan. Entitate onuradunek bi hizkuntza ofizialak erabili beharko dituzte nahitaez diruz lagundutako jarduerak argitaratzean, iragartzean eta horiei buruzko publizitatea egitean.

e) Laguntza ematea teknologia, berrikuntza eta eraldaketa digitalaren arloko sailburuordetzako titularrari, emandako dirulaguntzen inguruan egokitzen dituen egiaztapenak egiten; alde horretatik, entitate onuradunek eskatzen zaien informazio osagarri guztia eman beharko dute.

f) Behin betiko fakturak artxibatzea eta Euskal Autonomia Erkidegoko Administrazio Orokorren esku jartzea gutxienez hamar urtez.

g) Kontrol Ekonomikoko Bulegoak eta Herri Kontuen Euskal Epaitegiak laguntzen xedearen fiskalizazio-funtzioak betetzean eskatzen duten informazio guztia ematea.

h) Teknologia eta Berrikuntza Zuzendaritzari jakinaraztea helburu bera edo antzekoa betetzeko dirulaguntzak edo laguntzak, diru-sarrerak edo baliabideak eskatu edo lortu direla beste edozein administrazioetatik edo entitate publiko nahiz pribatutatik.

Hura jakin bezain laster eman beharko diote haren berri, eta, nolana ere, jasotako funtsak zertarako erabili diren justifikatu baino lehen edo justifikatzeko unean.

i) Dirulaguntza jasotzeko kontuan hartu zen edozein egoera objektiboren edo subjektiboren aldaketa oro jakinaraztea dirulaguntza eman duen erakundeari.

Hura jakin bezain laster eman beharko diote haren berri, eta, nolana ere, jasotako funtsak zertarako erabili diren justifikatu baino lehen.

#### 19. oinarria.– Erakunde laguntzailea.

1.– Agindu honetan jasotako araudiaren arabera ematen diren dirulaguntzak kudeatzeko, entitate laguntzaile gisa deklaratu da SPRI-Enpresen Garapenerako Euskal Agentzia, Industria, Trantsizio Energetiko eta Jasangarritasun Sailari atxikia, bat etorritik Dirulaguntzen Araubidea Erregulatzeko abenduaren 21eko 20/2023 Legearen 12. artikuluekin eta Dirulaguntzei buruzko Lege Orokorrean xedatutakoarekin.

2.– SPRI-Enpresa Garapenerako Euskal Agentziak, entitate laguntzailea den aldetik, eginkizun hauek izango ditu:

a) Aurkeztutako eskabideen eta proiektuen ebaluazioan laguntzea programaren ebaluazio-organoari, aurkeztutako agiriak gainbegiratu; hala badagokio, zerbait zuzentzea proposatzea kudeaketa-organoari.

b) Ebaluazio-organoari laguntzea aurkeztutako eskabideak aztertzen. Ezarritako ebaluazio-organoari laguntza ematea eskabideak aztertzeko lan materialetan, bat etorritik ezarrita dauden irizpideekin.

c) Entitate onuradunei laguntzak ordaindu aurretik, diruz lagundutako ekintzak egikaritu dituztela eta ekintzetan izandako kostua ziurtatzen duten agiriak egiaztatzea.

d) Jarduera egin den eta dirulaguntzaren helburua bete den egiaztatzea, eta onuradunei jarraipena egitea, dirulaguntzak jasotzeko eta proiektuak egikaritzeko eskakizunak betetzen jarraitzen dutela egiaztatzeko.

e) Onetsitako proiektuen kontrol- eta jarraipen-prozesuak zehaztu eta ezartzea.

f) Lortutako emaitzen amaierako ebaluazioa egitea.

g) Programa zuzen kudeatzeko behar diren jardueretan laguntzea, Industria, Trantsizio Energetiko eta Jasangarritasun Sailak hala aginduz gero.

h) Programa honen kudeaketarekin lotuta, Industria, Trantsizio Energetiko eta Jasangarritasun Sailak egin ditzakeen egiaztapen-jarduketak onartzea, bai eta Kontrol Ekonomikoko Bulegoari dagozkionak ere, Dirulaguntzen Araubidea Erregulatzeko abenduaren 21eko 20/2023 Legeko 42. artikuluan adierazitakoaren arabera.

#### 20. oinarria.– Ez-betetzea eta dirua itzultzea.

1.– Entitate onuradunak agindu honetan ezartzen den eskakizunen bat betetzen ez badu, edo Dirulaguntzen Araubidea Erregulatzeko abenduaren 21eko 20/2023 Legearen 36. artikuluan aurreikusitako gainerako kasuetan, ezin izango du eskatu laguntza edo dirulaguntza ordaintzeko, eta, hala badagokio, jasotako zenbatekoak itzuli beharko ditu, bai eta aplikatzekoak diren berandutze-interesak ere.

Horrez gain, diruz lagundutako jardueraren kostuaren gainetik eskuratutako soberakina itzuli beharko da, eta dagokion berandutze-interesa ordaindu, betiere beste laguntza edo dirulaguntza batzuekiko bateragarritasun-muga gainditzen bada, agindu honen 8. artikuluan ezarritakoari jarraituz.

Aipatutako zenbatekoek diru-sarrera publikoen izaera izango dute, dagozkien ondoreetarako.

2.– Dirua itzultzeko prozedura izapidetzeko orduan, aintzat hartuko da Dirulaguntzen Araubidea Erregulatzeko abenduaren 21eko 20/2023 Legearen 40. artikulua. Espedientea hasteko ebazpenean, honako hauek jakinaraziko zaizkio onuradunari: itzulketa-prozeduraren hasiera, bete ez diren betebeharrak eta ukitutako dirulaguntzaren zenbatekoa. Prozeduraren ebazpenak dirulaguntza kobratzeko eskubidea galdu dela adieraziko du, eta, hala badagokio, jasotako zenbatekoak eta bidezkoak diren berandutze-interesak itzultzea erabakiko du.

Itzulketa-espedientea hastea eta ebaztea –itzulketa osoa edo partziala– Teknologiako, Berrikuntzako eta Eraldaketa Digitaleko sailburuordeari dagokio, eta SPRI-Enpresa Garapenerako Euskal Agentziak proposatuta egin ahal izango da, espedientea hastea eragin dezaketen inguruabarrak proiektua amaitu baino lehen atzematen badira.

3.– Dirulaguntza ematea onartzeko oinarritzat hartu zen aurrekontuko partidaren batean konstignatutako zenbatekoen % 25eko beheranzko desbideratzea edo txikiagoa bada ez-betetzea, horrek ez du nahitaez ekarriko dirulaguntza osorik kobratzeko eskubidea galtzea, ez eta aurretik jasotako zenbatekoak itzultzea ere, baldin eta administrazio-organoak inguruabar hauek atzematen baditu, justifikazio-prozedurari amaiera ematen dion ebazpenean:

- Egiaztatzea onuradunak jardun argi eta garbia izan duela bere konpromisoak osorik betetzeko.
- Ez zaiela kalterik eragin hirugarrenen eskubideei.
- Onuradunak behar bezala arrazoitu eta egiaztatu dituela desbideratze horren zergatiak.

Kasu horretan, emandako dirulaguntzatik egiazki eta behar bezala justifikatutako zenbatekoa ordainduko zaio onuradunari, entitate emaileak justifikazioa egiaztatu eta onartu ondoren.

Era berean, desbideratze hori behar bezala justifikatutako eta arrazoitutako gainerako partidetako gastuekin konpentsatu daiteke, eskabidearen aurrekontuan partida bakoitzerako adierazitako zenbatekoaren mugaraino, baldin eta gainditzen ez bada dirulaguntza emateko ebazpenean onartutako aurrekontu globalaren zenbatekoa.

4.– Aurreko paragrafoan ezarritako baldintzak partzialki betetzen badira, onuradunak argi eta garbi konpromisoak betetzeko jardun duela egiaztatzen bada, betiere, dirulaguntzaren zati bat ordainduko da, edo, hala badagokio, zati bat itzuliko da, eta egindako jarduera osoak guztizkoarekiko duen proportzioa kalkulatu da. Nolanahi ere, onuradunak kobratzeko eskubidea duen zenbateko partziala onartutako dirulaguntzatik benetan eta behar bezala justifikatu den zenbatekoa izango da, justifikazioa egiaztatu eta entitate emaileak onartu ondoren.

21. oinarria.– Laguntzak aldatzea.

1.– Dirulaguntza emateko kontuan izan diren baldintzak aldatzen badira, edo beste dirulaguntza batzuk lortzen badira aldi berean beste edozein administratziotatik edo entitate publiko nahiz pribatutatik, edo bestelako diru-sarrerak badaude helburu bera lortzeko, kudeaketa-organoari horren berri eman beharko zaio idatziz, eta horrek dirulaguntza emateko erabakia aldatzea ekarri ahal izango du, baldin eta betetzen badira agindu honetan ezarritako eskakizunak eta Dirulaguntzen Araubidea Erregulatzeko abenduaren 21eko 20/2023 Legearen 25. artikuluan ezarritakoa.

Bat etorri Dirulaguntzen Araubidea Erregulatzeko abenduaren 21eko 20/2023 Legearen 25. artikularekin, dirulaguntza ematen duen organoak aukera izango du emandako dirulaguntza edo haren baldintzak aldatzeko, ofizioz edo entitate interesdunak hala eskatuta, eskakizun hauek betetzen direnean:

a) Dirulaguntza aldatzea interesdunak eskatuz gero, Dirulaguntzen Araubidea Erregulatzeko abenduaren 21eko 20/2023 Legeko 14.e artikuluan adierazitako betebeharrak betez jakinaraztea entitate onuradunak, jakin bezain laster eta, nolana ere, jasotako funtsen aplikazioa justifikatu baino lehen.

b) Zenbatekoa areagotu behar ez izatea.

c) Oinarri erregulatuaren xedeen artean egotea gauzatu den edo gauzatzekoa den jardura edo jokabidea.

d) Onuradunaren borondateak zerikusirik ez izatea aldaketa justifikatzen duten inguruabarrekin.

e) Aldaketa dakarten elementu eta inguruabar berriak, hasierako dirulaguntza emateko unean gertatu izanez gero, dirulaguntza ez emateko arrazoi ez izatea, eta aldaketak ez eragitea hasieran onetsitako proiektua nabarmen aldatzea.

f) Hirugarrenen eskubideei kalterik ez egitea.

Emandako dirulaguntzaren zenbateko osoa edo zati bat jaso badu entitate onuradunak, eta aldaketaren ondorioz dirulaguntzaren zenbatekoa murriztu behar bada, Dirulaguntzen Araubidea Erregulatzeko abenduaren 21eko 20/2023 Legeko 40. artikuluan aurreikusitakoari jarraituko zaio.

2.– Halaber, salbuespen gisa, egin beharreko jarduerak egikaritzeko epea geroratu ahal izango du laguntzak onartu zituen administrazio-organok, entitate onuradunak alde aurretik horretarako eskabidea egin eta justifikatuz gero, baldin eta alegatu dituen arrazoiek luzapen hori justifikatzen badute. Geroratzearen ondorioz, atzeratu egingo da laguntzen ordainketa.

Proiektu bakoitzeko, luzapen-eskaera bat aurkeztu beharko da. Hasieran aurreikusitako proiektua egikaritzeko epea amaitu baino bi hilabete lehenago egin beharko da eskabidea, eta berariaz onartu beharko du dirulaguntza emateko ebazpena eman zuen administrazio-organok, eta entitate interesdunari jakinarazi. Deialdia dagokion urtaldian ebazten ez bada, eskabidea egiteko epea hilabetekoa izango da, dirulaguntza emateko ebazpena jakinarazten denetik aurrera.

Ebazteko epea bi hilabetekoa izango da, eskabidea aurkezten denetik aurrera. Epe hori igarota ebazpena emateko organo eskudunak ez badu jakinarazpenik egiten, entitate interesdunak pentsatu behar du eskabidea ezetsi dela.

3.– Eskabidea egitean aurkezturiko memorian jasotakoak izango dira gauzatu beharreko jarduketak. Nolanahi ere, Teknologiko, Berrikuntzako eta Eraldaketa Digitaleko sailburuordeak baimena eman dezake memorian aldaketak egiteko, entitate onuradunak alde aurretik hala eskatuz gero eta jarduerak amaitu aurretik behar bezala justifikatuz gero, baldin eta jardueren helburuak eta nondik norakoak desitxuratzen ez badira.

4.– Proiektua porrot teknikoarekin amaitzen bada, entitate onuradunak laguntzak emateko administrazio-ebazpena aldatzeko ere eskatu ahal izango du, egindako proiektu-zatiari egokitzeko.

Teknologiko, Berrikuntzako eta Eraldaketa Digitaleko sailburuordeak aldakuntza onar dezake, baldin eta entitate onuradunak behar bezala justifikatzen badu.

Porrot teknikotzat jotzen da ezinezkoa izatea eskabidea egiteko unean aurkeztutako ikerketa-proiektuaren deskribapen-memorian aurreikusitako helburuak lortzea, ustekabean akats tekniko konponezinak agertu direlako.